

地
3
24月18

290
● 2
13



歐羅巴洲各國目錄

卷三十三

英吉利國五十三部

英吉利乃島國非岸也故列西洋之末

附斯葛蘭國三十部

愛倫國三十二部

卷三十四

英吉利國廣述上

卷三十五

英吉利國廣述下

海國圖志卷三十三

歐羅巴人原誤

侯官林則徐譯

邵陽魏源重輯

大西洋 歐羅巴洲

英吉利國總記 原本

英吉利又曰英倫又曰蘭頓先本荒島關地居處始自佛蘭西之人因戈倫瓦產錫最佳遂有商舶往貿於耶穌未紀年以前蠻分大小三十種居於西者曰墨士厄居於北者曰木利菴斯居於南者曰西魯力斯居於糯

爾和者曰委力斯曰矮西尼居腹地者曰薩獲曰墀底
伊尚有諸蠻俱居於彌特色斯舊皆茹血衣毳文身惟
脈士厄數種漸興農事創技藝制器械修兵車各蠻效
之旋被意大里國征服旋叛旋撫至耶穌紀歲百五十
年漢孝桓帝和平元年分英地為七大部落日景曰疏色司曰依
掩那司曰委屑司曰落滕馬蘭曰伊什曰麻可臘與鄰
部塞循各自治理八百年間唐德宗貞元十五年委屑司之伊末
遂并合七部為一國始名英吉利建都蘭頓從此不屬
意大里又二百年宋真宗咸平三年為領墨攻擊遂屬領墨其

後叛服不常公舉壹貨為王傳至顯利二代王先得愛
倫次得斯葛蘭顯利四代王即棄加特力教而尊波羅
特士教至顯利七代王娶依來西白刺為國郡案英夷稱其王
妃日始革世襲之職皆憑考取錄用開港通市日漸富
庶遂為歐羅巴大國

職官

律好司衙門管理各衙門事務審理大訟額設羅壓爾
錄司四人阨治彌索司二人愛倫阨治彌索司一人錄
司二十一人馬詭色司十九人耳彌司百有九人委爾

高文司十八人。彌索司二十四人。愛倫彌索司三人。馬倫司百八十一人。斯葛蘭比阿司十六人。卽在斯葛蘭部屬選充。三年更易。愛倫比阿司二十八人。卽在愛倫部屬選充。統計四百二十六人。有事離任。許薦一人。自代。凡律好司家人犯法。若非死罪。概免收禁。巴里滿衙門。額設甘彌底阿付撒布來士一人。專轄水陸兵丁。甘彌底阿付委士菴棉士一人。專司賦稅。凡遇國中有事。甘文好司至此會議。

甘文好司理各部落之事。並赴巴厘滿衙門會議政事。

由英吉利議舉四百七十一名。內派管大部落者。百四十三名。管小部落者。三百二十四名。管教讀並各技藝館者。四名。由委爾士議舉五十三名。內派管大部落者。三十名。管小部落者。二十三名。由愛倫議舉百有五名。內派管大部落者。六十四名。管小部落者。三十九名。管教讀並各技藝館者。二名。統共六百五十八名。各由各部落議舉殷實老成者充之。遇國中有事。卽傳集部民。至國都巴厘滿會議。嗣因各部民不能俱至。故每部落各舉一二紳耆。至國會議事。畢各回。後復議定公舉之。

人常住甘文好司衙門辦事。國家亦給以薪水。布來勿岡色爾衙門掌理機密之事。供職者先立誓後治事。

加密列岡色爾衙門額設十二名。各有執事。曰法士律

阿付厘特利沙利管庫官。曰律古色拉管官。曰律布

來阿付西爾管印官。曰不列士頓阿付岡色爾管官。

曰色吉力達厘士迭火厘火倫厘拔盟管官。曰色吉

力達厘阿付士迭火哥羅尼士奄窩管官。曰占色拉

阿付厘士支厥管官。曰法士律阿付押彌拉爾底管官。

官。曰馬士達依尼羅付厘曷南士管官。曰布力士

頓阿付離墨阿付觀特羅爾管官。曰占色臘阿付離

律治阿付蘭加司達管官。

占色利衙門專管審理案件。額設律海占色臘一名。司

掌印判事之職。委士占色臘一名。司判事之職。馬士達

阿付離羅士十一名。司判事之職。每判事二人輪值。周

而復始。扼岡頓依尼拉爾司理算法之職。

經士冕治衙官專司審理上控案件。額設知付質治一

名。布依士尼質治三名。

甘文布列衙門專審理職官爭控之案額設知付質治
溢士知加衙門專審理田土婚媾之案額設知付馬倫
一名布依士馬倫三名

阿西士菴尼西布來阿士衙門額設撒久六每撒久設
質治二名共十二名專司審訊英吉利人犯每年二次
依尼拉爾戈達些孫阿付厘比士衙門每年審訊各部
落人犯四次

舍臘達文衙門

此官職
掌原缺

歷衙門每年派馬落百人稽查各部落地方是否安靜

歸則具結一次

額設律占麻連官值宿宮衛馬士達阿付厘夥士專司
馬政色吉力達厘押窩專司收發文書特里舍厘阿付
利尼微管理水師船勃列士頓阿付厘墨阿付特列專
司貿易委士勃列士頓阿付厘墨阿付特列副理貿易
比馬士達阿付厘夥士專司支放錢糧陂率馬士達依
尼拉爾專司馳遞公文流底南依尼拉爾阿付厘曷南
上協理火礮法士甘靡孫拿阿付厘蘭利委奴管理田
土錢糧押多尼依尼拉爾卽總兵官疏利西多依尼拉

爾卽副總兵官愛倫額設律流底南阿付愛倫一律占色臘一甘曼那阿付厘賀些士一知付色吉力達厘一委士土厘沙臘一押多尼依膈爾一疏利西達依尼膈爾一皆駐劄愛倫

軍伍

額設水師戰艦百有五十甘彌孫百六十人管駕水師戰艦水師兵九萬人水手二萬二千英吉利陸路兵八萬一千二百七十一名阿悉亞洲內屬國兵丁萬有九千七百二十名

此所述軍伍之數毫無誇張最可信蓋此書本夷字非翻成漢字者比也惟無

養兵餉數是為疏漏之大者

政事

凡國王將嗣位則官民先集巴厘滿衙門會議必新王背加特力教而尊波羅特士頓教始卽位國中有大事王及官民俱至巴厘滿衙門公議乃行民卽甘文好司供職之人大事則三年始一會議設有用兵和戰之事雖國王裁奪亦必由巴厘滿議允國王行事有失將承行之人交巴厘滿議罰凡新改條例新設職官增減稅餉及行楮幣皆王頒巴厘滿轉行甘文好司而分布之惟除授大臣

及刑官則權在國王各官承行之事得失勤怠每歲終會覈於巴厘滿而行其黜陟

王宮歲用

甘文好司歲輸銀二百五十五萬員凡有金銀礦所產金銀與贓罰銀俱供王宮支發稱國王曰京歲需銀三十萬員稱王妻曰郡歲需銀二十五萬員值宿官曰占麻連管馬官曰士底赫管家官曰麻司達阿好司歲需銀七十七萬員護衛官曰班侍阿勒爾歲需銀三十七萬五千員此外尚有津貼羅壓爾之官嗑士達之官唔

官里士曼等官歲需銀八十五萬員綜計每年王宮需銀五百九萬五千員

國用止述王宮而不及官祿兵餉全額殊不可解

雜記

蘭頓國都銀號一所因昔與佛蘭西戰虧欠商民本銀四十二萬四千一百四十一萬有奇息銀萬有六千九百二十七萬有奇書票付給分年支取河道先不通於各港嗣經疏濬阨蘭特冷河長九十里疏濬歷士河長百二十里又濬依爾力斯靡耶河阨蘭精孫河阨蘭王尼河四通入達舟由港口至各部落任其所之貿易大

便蘭頓建大書館一所、博物館一所、渥斯賀建大書館一所、內貯古書十二萬五千卷、在感彌利亦建書館一所、所有沙士比阿、彌爾頓、士達薩、特彌頓、四人工詩文、富著述、俗貪而悍、尚奢嗜酒、惟技藝靈巧、土產麥、豆、稻、不敷民食、仰資鄰國、商販千八百年、各國封港、外糧不至、本國竭力耕作、糧價始畧減、所產呢羽、皆不及佛蘭西、紡織器具、俱用水輪、火輪、亦或用馬、毋煩人力、國不產絲、均由他國采買、

英吉利國在歐羅巴極西之地、四面皆海、南距佛蘭西、僅一海港、東近荷蘭羅汶、東臨大海、與士千里那威耶對峙、西抵蘭的、北抵北極洋、幅員五萬七千九百六十方里、戶口千四百一十八萬有奇、國東平蕪數百里、西則崇山峻嶺、大部落五十有三、小部落四百八十有五、
彌特色司部、東界伊什、西界墨經、南界舍利、北界赫治、領小部落三、
 蘭頓國都、其首部也、都在甜河北岸、東西距八里、南北距五里、戶口百四十七萬四千有奇、兵四千四百名、產金銀、時辰表、珍寶、波達酒、

落滕司蘭部

東界海、西南皆界斯葛蘭、北界特爾舍、

領小部落十有七、

良馬倫部 東界特爾含 西界海 南界蘭加 北界斯葛蘭 領小部落二十有

三 產鉛

育社部 東界海 西界蘭加社 南界那彌 北界特爾含 領小部落四十有三

產粗呢 白礬 白呢 綿花 地氈 細呢

委士摩含部 東界育社 西北皆界 良馬倫 南界蘭加社 領小部落七

蘭加社部 東界育社 西界海 南界支社 北界委士摩蘭 領小部落十有七

有蘭加士達砲臺一所 產呢布 鹽煤 波達酒

支社部 東界那彌 西界佛凌南 界奈勒社 北界蘭加社 領小部落七 有土頓

博砲臺一所 土產鹽

那彌部 東界納鼎含 西界士達賀 南界利達洗 北界育社 領小部落七 土產

磁器 鐵鉛煤

訥鼎含部 東界領戈吾社 西界那彌 南界利達洗 北界育社 領小部落八

領戈吾社部 東界海 西界訥鼎含 南界感密利治 北界育社 領小部落二十

二 土產呢 長羊毛

勒倫部 東北皆界 領哥吾社 西界斯達 南界落含社 領小部落三

利洗達部 東界勒倫 西界注隘 南界落爾頓 北界訥鼎含 領小部落六 產毡

襪

斯達賀部 東界那彌 西界奈勒社 南界窩洗斯達 北界支社 領小部落七 產

煤鐵鹽

奈勒社部

東界斯達賀西界閩俄脈里南界希里賀北界支社

領小部落九產

橡木

佛凌部

東界支社西界領糜南界領彌北界海

領小部落二

領彌部

東界佛凌西界格那完南界閩俄脈里北界海

領小部落五

格那完部

東界領彌西界敖額里南界麻里垣匿社北界海

領小部落四

敖厄里西島部

南界格那完東西北俱界海

領小部落四產銅

麻里垣匿社部

東界閩俄脈里西界海南界加里凝北界格那完

領小部落

四

閩俄墨里部

東界奈勒社西界麻里垣匿社南界那落社北界領彌

領小部落

三

加爾裡部

東界墨力諾南界格爾馬廷西界海北界麻里垣匿社

領小部落三

產鉛

拉落社部

東界希里賀西界加里凝南界墨力諾北界閩俄脈里

領小部落四

希里貨部

東界高洗士達西界墨力諾南界滿芽治北界奈勒社

領小部落五

洼洗士達部

東界洼隘南界俄羅洗士達西界希里賀北界斯達貨

領小部落

五產磁器細呢

窩隘部

東界落爾舍西界窩洗斯達南界惡斯賀北界斯達賀

領小部落七產

銅扣鉞

羅斯含頓部

東界韓鼎含，西界注隘，南界墨經含，北界利洗達。

領小部落五

韓鼎倫部

東界戈密力治，西北皆界落含頓，南界脈賀。

領小部落二

感密力治部

東界薩漢，西界韓鼎倫，南界赫賀，北界領哥吾社。

領小部落四

落爾和部

東界海，西界感密力治，南界薩漢，北界海。

領小部落一十五，產

羽毛呢，嗶嘰，五采緞

伊什部

東界海，西界赫賀，南界景，北界薩賀。

領小部落三十，產麥呢。

薩漢部

東界海，西界感密力治，南界伊什，北界落爾和。

領小部落七，產短羊

毛

赫賀部

東界伊什，西北皆界墨經含，南界敏特塞司。

領小部落四

脈賀部

東界感密力治，西界墨經含，南界赫賀，北界韓鼎倫。

領小部落五

墨經含部

東界赫賀，西界惡斯賀，南界脈社，北界落含頓。

領小部落五

惡斯賀部

東界脈經含，西界俄羅洗，南界脈含，北界注隘。

領小部落五

俄羅洗斯達部

東界惡斯賀，西界滿芽治，南界稔社，北界窩洗斯達。

領小部落

八產細呢，鉛布煤

墨力諾部

東界希厘賀，西界格馬廷，南界厄拉磨疑，北界拉落。

領小部落三

格爾馬廷部

東界墨力諾，西界賓目，鹿，南界海，北界加里疑。

領小部落三

賓目鹿部

東界格馬廷，西界海，南北皆界海。

領小部落四

額臘磨疑部

東界滿茅治。西界格馬。延南界海。北界墨力諾。

領小部落七產

鐵錫馬口鐵煤

滿茅治部

東界俄羅洗斯達。西界厄臘。磨疑。南界海。北界希里賀。

領小部落三

產綿花羊毛鐵煤

戈倫和爾部

東界里完。西。南。北皆界海。

領小部落一十七。有戈倫

和爾砲臺一所。產銅鐵錫

里完部

東界疏馬什。南界海。西。界。戈倫和爾。北界海。

領小部落二十三。土

產錫

疏馬什部

東界稔社。北界俄羅洗斯。達。西界海。南界落爾什。

領小部落十四

產羊毛

落爾什部

東界舍社。西界里完。南界海。北界疏馬什。

領小部落十

稔社部

東界舍社。北界俄羅洗斯達。南界落爾什。西界疏馬什。

領小部落十一

產大呢小呢鐵細地毯

舍社部

東界舍利。西界稔社。南界海。北界脈社。

領小部落十六。其首部

距蘭頓甚近產橡木

疏色司部

東界景。西界舍社。南界海。北界舍利。

領小部落十六。產綿花

羊毛

景部

東界海。西界舍利。南。界。疏色司。北界伊什。

土曠而沃。物產豐盛。所屬

落洼之新圭博在國之南海船出入要港距蘭頓甚近對海卽是佛蘭西實蘭頓咽喉之所設立落洼大砲臺水師巨艦多泊此及渣咸兩地所有軍裝器械火藥火砲均貯渣咸庫領小部落十七

舍利部

東界景南界疏色司西界舍社北界蘭頓

領小部落七

脈社部

東北皆界惡斯賀西界稔舍南界舍社

領小部落五

特爾舍部

東界海西界良馬倫南界育社北界落滕馬蘭

領小部落九

萌島部

四面界海

與良倫對峙領小部落四

英吉利所屬斯葛蘭島附記

斯葛蘭地三島相接一河中流東南平曠西北多山本愛倫之人所闢中爲斯葛司與畢斯割據東南遂名其地曰斯葛司又有士特那臘果律割據西北于耶穌紀年五百時南齊永元二年併吞斯葛司建部落於阿果律山上傳二百五十餘年爲塞循之根尼刺所滅易名斯葛蘭後有布魯士與巴利葛互爭英國之壹賀王以兵助巴利葛立爲王傳至士都軋無道部衆漸怨於千六百有三年明萬曆三十三年英吉利遂乘間滅之以伊鄰麻社爲首

部落設官通商然其衆心至今向士都軋而不向英國也伊鄰麻社首部落設色孫衙門一所官十五人以聽訟益士知加衙門一所以徵賦稅歲徵銀二千三百八十五萬員甘文好司一所執事四十五人皆由官民公舉大書館一所貯書十萬卷習俗固執膽大經營河渠五火臘河發源邊羅冕山麓至付利刺阿港出海坳來底河度稔河均源於攬緋里斯社一由騰納社出海一由麻邑出海又有一河發源和化至拔社分流一經行出海日底河一環繞而至鼻付社出海日泗比河

斯葛蘭東南界英吉利西北界海幅員二萬九千六百方里戶二百三十六萬三千八百四十口大部落三十領小部落三百三十八

伊鄰麻社	<small>東界哈領頓社西界墨爾社</small> 南北界海南領小部落七
領利俄社	<small>東界伊隣麻社西界伊隣麻社</small> 領小部落三
萊斯麻社	<small>東南界英吉利西界攬緋里社</small> 領小部落九
攬緋里社	<small>東界萊斯麻社西界那納社</small> 領小部落十有四
加爾格墨利社	<small>東界攬緋里社西界埃野社</small> 領小部落七

稔達温社東界加格墨利社西界海領小部落五

埃野社東界攬緋里社南界稔達温社西界海北界凌卑流社領小部落十有

七產呢煤鹽

凌卑流社東界那納社南界埃野社西界海北界攬麻頓社領小部落四產

布紗袈裟布

那納社東界斯達凌南界凌卑流社西北界阿埃爾社領小部落十有二其

首部有那納砲臺產布紗羽毛紗

比墨司社東界西爾格社南界攬緋里社西界那納社北界依隣麻社領小部落

三

西爾格社東南界萊斯麻社西界比墨司社北界依隣麻社領小部落三

麻壹社東界海南界萊斯麻社西界依領麻社北界哈領頓社領小部落十

哈領頓社東北界海南界麻壹社西界依隣麻社領小部落五

斯達凌社東界領九俄社南界那納社西界攬麻頓社北界拔社領小部落八

其首部有砲臺二所

攬麻頓社東界斯達凌社南界凌卑流社西北界阿埃爾社領小部落二其

首部有砲臺

阿蘭島在干代耶之東領小部落一

阿埃爾社東界拔社南界海西界海北界英哇爾社領小部落三十七其

首部有砲臺二所。

拔社。東界和化社。西界阿埃爾社。南界斯連凌社。北界英哇爾社。領小部落二十

四。

噶利滿蘭部。東界邑匪社。南界海。西北界拔社。領小部落四。

邑匪社。東界海。西界噶里滿蘭。南界海。北界拔社。領小部落十有三。其首

部有經哈倫砲臺。產大花緞煤。

和化社。東南界海。西界拔社。北界阿麻領社。領小部落十有二。其首部

有砲臺二。

經加那引社。東南界海。西界和化。北界阿麻領社。領小部落七。

阿麻領社。東北界海。南界和化社。西界鼻付社。領小部落二十九。

鼻付社。東界阿麻領社。餘三方原缺。領小部落八。

麻立社。東南界鼻付社。西界泥倫。北界海。領小部落五。

泥倫。東界麻立社。南界英哇呢。西界羅士社。北界海。領小部落一。

英哇呢斯社。東界阿麻領社。西界海。南界阿埃爾社。北界羅士社。領小部落

三十八。產布。

羅斯社。東西界海。南界英哇呢。北界沙特蘭社。領小部落二十六。

沙特蘭社。東界結尼司社。西界海。南界羅士社。北界海。領小部落一十三。

結尼司社。西界沙特蘭社。東界海。南界皆界海。領小部落十一。

英吉利國一

英吉利國一

英吉利國一

英吉利國一

英吉利國一

英吉利國一

英吉利國一

英吉利國一

英吉利國一

英吉利所屬愛倫國附記

愛倫在英吉利之西少北獨峙一島佛蘭西始開墾公
 舉頭目綜理濶略耶穌紀年九百始屬於領墨二百餘
 年為英吉利侵奪以騰墨領為首部落設官約束法令
 嚴刻止準貨物運售蘭頓不許通他國部眾劫於威心
 皆不服遂於千六百四十年明崇禎十三年聚眾屠殺英人四
 萬盡驅餘眾出境旋為蘭頓兵平服後乘英國與彌利
 堅連年爭戰愛倫人始得漸與他國貿易千七百九十
 八年嘉慶三年英國與佛蘭西爭戰佛蘭西陰結愛倫人為

助愛倫遂復叛軍無紀律佛蘭西不及救應數月仍為英吉利所平自後英國亦歛其苛政設愛倫總理大員駐劄臘墨領並建書館貯書十萬卷賦稅每年徵收銀二千二百萬四百七十六員河道三麻羅河自領塞發源至瓦達賀港口出海杉冷河自阿蘭山發源摩目河受各湖之水滙歸杉冷河由利墨里港口出海產豆麥牲畜郭地產金沙金塊每塊有重二十四兩者郭地名愛倫四面皆海在英吉利之西少北幅員三萬方里戶口七百七十六萬七千四百有奇大部落三十有二小

部落四百四十有二

嶺部

東界海西北界密南界溫羅

領小部落六產銀

吉爾那厘部

東界溫羅南界加樓西界虧引斯加溫逮北界密

領小部落十

三

奄特林部

東北界海西界倫頓那厘南界那溫

領小部落十有六其首

部曰敏爾化戎有大砲臺產夏布棉布

倫頓那厘部

東界奄特林北界海西界倫俄爾南界帶倫

領小部落十有

二產布

倫俄爾部

東界帶倫西界海南界化蠻那

領小部落二十有九

帶倫部

東界倫頓那厘西南界摩那寒北界羅尼俄爾

領小部落二十其首

部有大砲臺

臘温部

東南界海西界阿馬北界奄特林

領小部落二十產夏布

阿馬部

東界那温西界摩那寒南界律北界帶倫

領小部落八產夏布

摩那寒部

東界阿馬西界化蠻那南界密北界帶倫

領小部落九

化蠻那部

東界摩那寒南界帶倫西界里特臨北界倫俄爾

領小部落九產

麻

加完部

東界摩那寒南界密西里特臨北界化蠻那

領小部落九產夏布

里特臨部

東界加完南界朗賀西界色厘俄北界海

領小部落七產布

色里俄部

東界里特臨西界麻約南界羅斯感門北界海

領小部落十有一

產布

麻約部

東界色里俄西北界海南界牙爾衛

領小部落十有九產布

牙爾衛部

東界羅斯敢門西界海南界吉利野北界麻約

領小部落三十有

六

羅斯敢門部

東界朗賀西界麻約南界牙爾衛北界色里俄

領小部落十有

二

朗賀部

東南界衛色密西界羅士感門北界里特臨

領小部落六

衛塞密部

東界密西界羅斯敢門南界經士加温北界加完

領小部落八

密部 東界拉墨領南界吉爾拉里 領小部落十有六

律部 東界海西界摩那寒 領小部落七 產夏布羽毛

紗

經士加温部 東界吉爾拉里西界牙爾衛南 領小部

落八

格列野部 東界底比那里南界里敏 領小部落十有

六 產鉛鐵煤

加里部 東南界郭 領小部落二十有一

郭部 東界陸達活南界海西 領小部落三十有二

離敏里部 東界底比那里南界郭 領小部落十有四

底比那里部 東界吉爾景尼西界離敏里 領小部落

二十有三

哇撻賀部 東界温斯稔西界郭南 領小部落十

吉爾景尼部 東界加樓北界虧引斯加温遠 領小部

落十有一

虧引斯加温遠部 東界吉爾拉里西界底比那里 領

小部落七

加樓部 東南界温斯貨西界吉 領小部落五

溫羅部

東界海西界吉爾那里南界溫貨北界那墨利斯

領小部落十有二

溫斯賀部

東南界海西界哇達賀北界溫羅

領小部落十有六

海國圖志卷三十四

邵陽魏源重輯

英吉利國廣述上

原無今補

英國論畧

新嘉坡人所撰

英吉利國乃海中二方嶼也其南大

島曰倫敦國北島曰蘇格蘭國兩國共名英吉利又有

小島稱為倚耳蘭鼎足環峙

道光二十二年英夷在江與與當事議款其文書曰

英國之以耳蘭墩云云蓋其兵帥漢定渣乃以耳蘭墩人也

南及英海峽隔佛蘭西

國北及大北海西至大西洋海東距荷蘭國不遠英島

延袤二十六萬一千方里戶千有五百萬口耳蘭島延

海國圖志 卷三十四 南洋 一
表九萬六千方里，戶七百萬口。本國雖褊小而除本國外，所割據他洲之藩屬國甚多。若地中海島，則有十四萬戶口。若亞非利加海濱新地，則有二十五萬三千戶口。若五印度各藩屬，則有八千四萬口。在北亞墨利加接花旗國地，則有百五十萬口。并其洲東羣島，白黑居民，入十二萬口。別有新荷蘭島，當中國南洋萬餘里，人戶歲歲增益。此等屬國互相離遠，無陸可通，惟以舟船聯絡。本國生齒殷繁，歲有幾萬。離家開墾新地，建邑造船，故其人散布天下，無論何埠皆有。英商貿易，其人肌

膚白，髮則自黃白紅黎，各色皆具。中多有紅毛，故以紅毛稱之。翦髮留短，其瞳睛或藍或綜或黑。其女美艷，聞四海。男四時衣呢，戴氈，內襯汗衫，外罩背心短衫。內外二褲，冬則外套長袍，足躡皮靴。女衣用綢緞，及各洋布。隨風俗，依時式，百變千式。首戴大帽，面掛薄帕，身衣長衫三四重，最好潔，首飾珠寶，不計價值。歸必購各國之珍，以貽女奩。民日三餐，早飲茶加菲等，暨麵包餅餌，牛乳油，午後大餐，牛羊雞豚魚菜。惟荷蘭薯，甲乎各國。居室高廣，數層，壁飾精麗，牆貼華紙，板鋪花氈，戶垂帷帳。

海國圖志卷三十四
周懸山水之圖庶民惟拜天主盡絕道釋不奉異神其教有二一日洗禮一日聖餐城邑鄉里各派教主每七日一禮拜老幼男女聚集殷堂唱詩讚美教主耶穌之德祈福懺罪而後聽教教主尊若官府英國近北海故甚寒其天氣不定今日晴霽明日驟隸夏暑而不熱水果佳甚國有良馬綿羊其毛以造呢羽獵犬以捕野牲國內約計馬百二十五萬隻牛驢五百五十萬隻田二百有七萬三千頃有麥無米不贍於食必由外國運至山多石炭錫鐵銅百貨皆來自外國國中無論男女皆

習文藝能詩畫兼工刺繡婚姻必男女自願然後告諸父母不用媒妁惟拜教主祈上帝婿則以戒指挿新婦之指卽爲夫婦因上帝原初止造一男一女故不能娶二婦亦不許出妻多有男終身不娶女終身不嫁者父母產業男女均分不能男多女少嫁則婿受其貲焉倘違禁娶兩女者其罪流國人相接除帽示敬尊坐卑立惟跪拜上帝卽見國王亦不拜也英人有三品一日五爵二曰紳士三曰庶民五爵惟其長子世襲其餘皆爲紳士不論何等人皆可供職其教士之長大者等於五

海國圖志 卷三十一 歐洲 三
爵下者如中國塾師必學三四國語音通經能文精歷
法明測驗推步然後可以教人其醫皆有考試考中方
許治病其訟師學法律亦有考試畫師畫山水林泉及
塑像皆以逼真爲貴不似中國白描寫意虛多實少農
夫共計九十七萬八千有餘戶田地瘠磽故設奇器引
水以溉之圍以籬笆有似園圃英人最好花園果林五
爵皆有獵場冬月則蓋煖室內排各種蔬菜菓樹及遠
方異種草木溫養發芽故四時常有異果名花機房織
造不用手足其機動以火烟可代人力以羊毛與棉花

紡成洋布大呢羽毛皆自然敏速道光十八年所製出
絲綢布帛銅器百貨計價銀三百萬兩有餘綿布計銀
萬有二千四百萬兩綿線計銀二千七百六十萬兩鐵
條與鐵器計銀九百四十萬兩麻布計銀九百六十萬
兩羽呢等貨計銀千有三百八十萬兩共計一年運出
之貨價銀二萬一千六百四十萬有餘兩而國內所用
貨物不在此數皆務工勤商早夜經營之效由人烟稠
密戶口繁滋田園不足於耕故工匠百有三十五萬戶
多於農夫三之一不止貿易一國一地乃與天下萬國

通商也所運進廣州府之貨物如海菜沙血竭洋蜡檳榔海參燕窩冰片血珀阿魏息香牛黃烏木紅銅珊瑚瑪瑙綿花綿紗兒茶青石火石象牙犀角白米魚翅魚肚檳榔膏玻璃器錫鉛鐵鋼沒藥乳香胡椒蘇木木香紅木檀香沙藤自鳴鐘時辰表大呢羽緞嗶嘰小絨洋布花布手巾所有運出者茶葉湖絲綢緞手巾紫花布夏布剪絨縐紗紋布花幔絲絹繡絹牙器銀器漆器雲母草蓆磁器白礬笙竹硼砂樟腦桂皮桂油桂子硬飯頭銅箔雄黃牛膠騰黃澄茄紙墨鉛粉麝香大黃白糖

冰糖糖果薑黃銀硃等貨一年間所出入之貨價值不下銀二千二百萬員而雅片不在此數除大清國

貿易外尚有與花旗列國貿易之貨在道光十六年其價銀三千六百萬兩其外國貨運入本國海口者相仿所用商船大小萬有四千五百餘隻水手十四萬八千名道光十七年外國船到英國埠頭者大小七千四百餘隻每年所納稅餉共計銀六千六百萬兩按此數不可信考上文每年貨價出入不過數千萬稅餉不過稅其十分一安有竟與貨價銀數相埒之理是為夸誕不情其廣推貿易之法有火輪船航河駛海不待風水又造輕艫

路用火車往來一時可行百有八十里虞船貨之存失不定則又約人擔保之設使其船平安抵岸每銀百兩給保價三四圓即如擔保一船二萬銀則預出銀八百員船不幸沉淪則保人給償船主銀二萬兩其通國行寶為金每金三兩分作銀價二十二塊其銀再分銅錢兼用銀票錢鈔楮幣與金銀同價當中國漢朝時英民猶未向化游獵林中值羅馬國兵來侵降服大半按羅馬亦作羅汶國即東國野族蜂起攻擊土人逃匿山林英意大里亞也地盡為各國所據漸奉耶穌教始知風化宋朝年間有

鄰部那耳曼者渡海力據英境強役土民不及二百年兩族合成一國勤勞速興當明之季英百姓盡崇正教通文字自棄舊俗權勢益增民人敢作敢為兵船出巡四海屢拒退外國之兵且文藝大興博覽經典法術武藝不可勝數但其語音與漢語大不同其言長切字多正字少只二十六字母是以讀書容易數日間即可學之故此學者無不通習文藝如國史天文地理算法不曉者則不齒於人目前王后主國年尚少聰慧英敏眾民悅服貴臣共十二人為管國帑大臣審辦大臣持璽

大臣戶部大臣內國務宰相外國務宰相管印度國務
 尚書水師部大臣貿易部大臣兵部大臣此外尚有議
 士協辦大臣等皆理政事者也設有大事會議各抒已
 見其國中尊貴者曰五爵如中國之公侯伯子男為會
 議之主且城邑居民各選忠義之士一二赴京會議國
 主若欲徵稅納餉則必紳士允從倘紳士不允即不得
 令國民納錢糧若紳士執私見則暫散其會而別擇賢
 士如有按時變通之事則庶民擇其要者敬稟五爵鄉
 紳之會大眾可則可之大眾否則否之每年稅餉田賦

入國幣者共銀萬一千一百萬兩除國用外所餘不及
 百萬兩若越於此數則減稅餉國之欠項共銀二十三
 萬六千七百萬兩有餘每年利息八千八百二十四萬
 有餘施濟閭閻每年銀二千五百萬兩利息及施濟兩項銀數皆不近
 情不足信其銀乃各屋主良民所捐又教師抽國產十分之
 一每年銀共四百萬兩弁兵十九萬丁此據地理志及新聞紙數目原
 本作九十萬非誕即謬此外另募於五印度國若干萬丁以鎮守
 邊境水師兵船大小六百有十隻水手四萬名中有大
 艦每隻載大炮百有二十或一百或九十或七十四或

六十門其中等者或四十四或二十八門其小者或二十或十或六門也自嘉慶十九年西方列國大臣會議結和戢兵以後兵船惟巡海護貨而已原無今補

貿易通志曰英吉利本國止產錫銅煤炭然其國人好利爭勝精技藝治船械不憚險遠故凡他國物產皆聚於倫鄞國都百姓插英吉利商船共計二萬二千四百三十五隻載三千九百二十七萬石水手十有六萬別有小船十二萬九千八百二十六隻水手五十八萬其最大之埠頭為倫敦利味埔里胡里新堡牙爾木牙臘

土莪力亞比耳亭伯利木可耳奇土比林比利法等處外國進口之船四千五百四十二隻道光十三年貨出口者三萬二千萬員進口者二萬一千萬員

職方外紀歐邏巴西海迤北一帶至永海海島大者曰

諸尼利島即英吉利日意爾蘭大島英夷屬島其外小島不下千

百意而蘭大島經度五十三至五十八氣候極和夏熱不擇陰冬寒不需火產獸畜極多絕無毒物其國奉教之初因一王宮之婢能識認真主遂及王后國王以訖

一國其地有一湖植木於內入土一段化成鐵水中一段化成石出水面方為原木也旁一小島島中一

地洞常出怪異之形。或云鍊罪地獄之口也。

諸厄利亞經度五十至六十緯度三度半至十三氣候融和。地方廣大。分為三道。共學

二所。共三十院。

其地有怪石。能阻聲。其長七丈。高二丈。隔石發大統。人寂不聞。故名聾石。有湖

長百五十里。廣五十里。中容三十小島。有三奇事。一魚味甚佳。而皆無鱗翅。一天靜無風。倏起大浪。舟楫遇之無不破。一有小島無根。因風移動。人弗敢居。而草木極茂。孳息牛羊豕類極多。近有一地。死者不殮。但移其尸於山。千年不朽。子孫亦能認識。地無鼠。有從海舟來者。至此遂死。又有三湖。細流相通。達然其魚絕不相往來。此水魚誤入彼水。輒死。傍有海窖。潮甚時。窖吸其水。而永不盈。潮退。即噴水如山。高當吸水時。人立其側。衣一沾水。人即隨水。吸人窖中。如不沾水。雖近立亦無害。

萬國地理全圖集曰英吉利國乃海中兩嶼。其大者分

二方。南曰英蘭。北曰蘇格蘭。兩者共名英吉利。其小島

曰倚耳蘭。中隔海港。相離不遠。北極出自四十九度五

十八分。至五十五度四十五分。偏東自二度。至西十二

度。英島袤延方圓二十六萬方里。居民一千五百萬。耳

蘭島九萬六千方里。居民七百萬。其海濱隅壘港。汶

分岐市。畢遍布蘇格蘭海之羣島。亦稠。英國距荷佛兩

國不遠。一日可渡。用火輪船。僅需半日。蘇格蘭之北山

嶺不絕。與英島之西相同。其山礮沙。其坦地則豐產。至

以耳蘭島。則澤渚廣延焉。英吉利島。編小。其河不大。故

海國圖志 卷三十四 西國
國都即在但士江邊。大船易入。山出石炭錫銅鐵鉛而石炭最多。每年價銀千萬兩。產駿馬牛羊共馬百五十萬。黃牛三百九十七萬。羊二千六百一十四萬。產大小麥穀。其穀不足食。必由外國運入。居民不織布。乃製鐵網機關而造之。每年所造尼羽嗶嘰等物。共計銀千八百萬兩。其棉花布銀每年一萬零二百萬兩。每年用棉花四十萬七千石以織之。皆由外國運進。其務織者共四十九萬三千名。其機關巧細。但弱女幼子亦可容易動之也。所用絲由意大利及中國運入。所織價值每年

銀三千萬兩。鐵銅造鑄機關。烏鎗大炮刀劍各項器械。價值銀五千一百萬兩。道光十八年所運之貨。計價銀一萬四千八百萬兩。所運進者。共計銀一萬七千九百四十萬兩。故國用充裕。○英國現攝權者為女王。號捷勝。尚少年聰慧英敏。經嫁與日耳曼之君。其大臣共十二位。謂管國帑大臣。審事大臣。持璽大臣。戶部大臣。內國務宰相。外國務宰相。管印度國務大臣。水師部大臣。貿易部大臣等。餘有議士協辦等。以治國政。又有大爵公侯。會議政事。又立紳士會。以詢問政務。籌辦國餉。人

稠地狹田園不足於耕只得外徙新地昔皆往花旗國今亦移至亞齊南之大地矣英吉利分南北東西之部南方七部蘇悉北干地蘇利漢威利突悉等部在此地海邊有造船之廣廠英國兵船與商船所雲集之處稱謂港口也各兵船回家之時卽到其口修理其南方遍處山崗樹林蔭河流清春夏萬紅干紫其城邑乃干得布利教師所駐大有殿堂又綠威係水手受傷之後老邁所退之院又風素耳地乃王室隱逸避靜之宮殿○東方各部曰以邑蘇弗干橋甸丁敦林君那耳威城廣

造呢布干橋邑乃大英有名之書院學儒攻書之地○中央各部曰中悉瓦威士答弗特未若丁翰黑度不敬翰屋度北翰敦來悉特北度其中係國都蘭敦居民百有四十七萬四千名其保羅殿堂特異可納罕超卓其西殿亦然兩堂內立英傑名師之像以旌其德若論其通商則遠國之船每年進其口者一千零五十七隻英船進者三千七百三十隻所有公銀舖每年所兌本銀六千萬兩如有財而欲置之安穩則繳于銀舖也其城之穹橋下路各有奇異其屋度乃國之右書院其北明

翰專造刀器鐵皿。○北方各部分蘭甲突翰北匈西野君北地與蘇國交界其都係約古城內建廣大之殿新堡係石炭之大門口曼識特係屬織造各項布之大邑里味池係英國第次之港口與花旗國廣開通商其居民二十萬丁另有大城邑建於其國內。○西方各部曰織執黑度門口窩悉五悉孫悉有海邊有港口曰北多里曰北來口在最深之海隅其入邑有人夏月集會玩賞之處。○瓦勒部之居民係屬土蠻言語不同山嶺險隘此時衆民向化勤勞牧羊出石炭焉其城邑最少

○蘇各蘭島南方豐沃北方磽瘠居民百計經營不知辛苦遠商外邦故地寒而家富其民奉拜上主敬畏耶穌分三十二部其會城曰以丁堡街舍最整加刺我織造布疋運出者每年價銀千餘萬兩綠諾邑有海港亞北丁係書院。○耳蘭島之居民寬宏慷慨宴會豪飲惟奉加特力教因崇其異端惟僧是聽累生事端甚激英國之怒然其男上陳爲兵力戰從不奔北其會城曰土北林南有港口民十萬七千林勤馬頭在耳國第三北發乃馬頭第四。○英之海濱多有海島南最大者稱爲威

地山水清美。在佛海邊。額西額耳西兩島。在西方曼島。在蘇葛蘭一帶。沿海撒多海島。但天寒。麥穀難登。每年大半冰雪。其居民專務捕魚。

皇情四夷考。英吉利一名英圭黎。國居西北方海中。南近荷蘭紅毛番種也。距廣東界計程五萬餘里。國中土地平行。宜麥禾果豆。有一山名間允。產黑鉛。民爲開採。輸稅入官。國人出入處。左有那村。右有加釐皮申村。皆設立礮臺。二村中皆有海港。通大船。海邊多產火石。王所居名蘭俞。有城距村各百餘里。其俗信奉天主。每七

日一禮拜。誦經。男女不問年少長。以相悅而成婚姻。或有以媒合者。女率贅男而居。婦亡則更贅於女。不置妾媵。男戴三角帽。其鞋襪衣制窄小。男下體著褲。女則施褙而已。色以紅綠白爲吉。青爲凶。相見脫帽握手爲禮。多佩刀。飲食用金銀器。人有喪。卽日營殯葬。所親送葬。相與掩土而歸。男女閉戶號泣。不設位。斷烟火。所親饋之食。則食。七日後始開門舉火。王姓名世系。遠者不可考。其近者爲弗氏。京亞治。傅子。昔斤。京亞治。傅孫。非立。京亞治。卽今之王也。康熙間。英吉利始來通市。後數年。

不復來雍正七年後互市不絕初廣東碣石鎮總兵官陳昂奏言臣徧觀海外諸國皆奉正朔惟紅毛一種好究莫測其中有英圭黎諸國種族雖分聲氣則一請飭督撫關部諸臣設法防範乾隆七年十一月英吉利巡船遭風飄至澳門海面遣夷目至省城求濟廣東總督策楞令地方官給費糧修船隻先是其互市處所或於廣或於浙二十二年部議英吉利不准赴浙貿易於是皆收泊廣東每夏秋交由虎門入口土產則有大小絨嗶嘰羽紗紫檀火石及所製玻璃鏡時辰鐘表等物精

巧絕倫二十四年方嚴絲劬出洋之禁兩廣總督李侍堯奏言近年英吉利夷商屢違禁令潛赴寧波今絲劬禁止出洋可抑外夷驕縱之氣惟本年絲劬已收請仍准運還奏入報可是年英吉利夷商洪任輝妄控粵海關陋弊訊有微滴汪聖儀者與任輝交結擅領其國大坵銀一萬三百八十兩按交結外國互相買賣借貸材物例治罪二十七年英吉利夷商白蘭等求仍照前通市兩廣總督蘇昌奏准照東洋銅商搭配綢緞之例酌量配買每船准買土絲五千劬二蠶湖絲三千劬其頭

蠶胡絲及綢綾綢疋仍如舊禁止不得影射取利自是英吉利來廣互市每船如額配買歲以為常其明年并准帶綢緞成疋者二千觔

海錄英吉利國即紅毛番在佛朗機西南對海由散爹里向北少西行經呂宋佛朗機各境約二月方到海中獨峙周圍數千里民少而豪富房屋皆重樓疊閣急功尚利以海舶商賈為生涯海中有利之區咸欲爭之貿易者徧海內以明牙喇曼達喇薩孟買為外府民十五以上則供役於王六十以上始止又多養外國人為卒

伍故國雖小而強兵十餘萬海外諸國多懼之海口埔頭名懶倫由口入舟行百餘里地名蘭倫國中一大市鎮也樓閣連亘林木蔥鬱居人富庶匹於國都有大吏鎮之水極清甘河有三橋謂之三花橋橋各為法輪激水上行以大錫管接注通流藏於街巷道路之旁人家用水俱無煩挑運各以小銅管接於道旁錫管藏於牆間別用小法輪激之使注於器王則計戶口而收其水稅三橋分主三方每日轉運一方令人徧巡其方居民命各取水人家則各轉其銅管小法輪水至自注於器

足三日用則塞其管一方徧則止其輪水立涸次日別
 轉一方三日而徧周而復始其禁令甚嚴無敢盜取者
 亦海外奇觀也國多娼妓雖姦生子必育之男女俱衣
 白凶服則衣黑武官俱服紅女衣其長曳地上窄下寬
 腰間以帶繫束之欲其纖也帶頭以金為扣兩肩以絲
 帶絡成花樣縫於衣上有盛宴則令年少美女盛服歌
 舞宛轉輕捷富貴家女人亦幼而習之以為樂軍法五
 人為伍伍各有長二十人則為一隊號令嚴肅無敢退
 縮唯以連環鎗為主其海艘出海貿易遇覆舟必放三

板拯救得人則供其飲食資以盤費俾得各返其國否
 則有罰此其善政也其餘風俗大略與各西洋同土產
 金銀銅錫鉛鐵白鐵藤哆囉絨嗶嘰羽紗鐘表玻璃牙
 蘭米酒而無虎豹麋鹿

英吉利國夷情記畧

欽葉鍾進蓉塘寄味山房雜記

英吉利不見明史

入本朝始通于中國考地圖在中國西北百餘度其國
 東西馬行約三日南北六日餘地散處各州島嶼與鄰
 國分市相距有數萬里者悉航海以通往來荷蘭在其
 東佛蘭西在東南俄羅斯在東北瑞國及米利堅在其

西大西洋卽葡萄亞在西南小西洋則在利未央之東其餘小國無算半環地中海統名曰歐羅巴州州人皆遵耶穌教耶穌生東漢時始知以三百六十五日爲一年今稱一千八百三十幾年以中國冬至後三日爲冬至十日爲年節耶穌生有天受能通各國土音創教勸人爲善後被惡人釘其體於十字架剖割以斃其徒號其教曰天主國會初不信禁習頗嚴後與他國相攻不勝祈於其寺忽雲中現一十字架遂以十字架爲先鋒克敵因大信奉於是造禮拜寺供十字架自郡國至鄉

間在在皆有男女七日一禮拜無跪拜儀以除帽爲大禮禮拜日停工作許嬉遊不知閏故不以月繫年卽以禮拜期爲數貴女賤男自王至民率一夫一婦無妾媵不分內外婦亦與人往還大約男以三十歲後女以二十歲後自相擇偶臨時議婚王則與鄰國世互婚嫁生子女成立後卽分以業俾自治生故配合多以財產較亦有終身不嫁不娶者聽凡交遊至問其妻不及父母知俯育不知仰事交易鑄銀爲錢大小不等以便市鬻死時須記貲財於簿或施入仁會或分交遊親戚子女

咸無爭競。三日除服。不知祭祀。鄉國以仁會。貴立貧院。幼院。病院。舉公正之人董理。故通州無鬻子女者。亦禁蓄奴婢。士農工商各世其業。國立太學。郡中學。鄉小學。延師以教讀。字橫列。不直行。筆以鉛錐爲之。分科以習。書。醫士各有字。彼此不相通。曉商之子女皆習書算。仕有土地世祿。傳付長子。農以稼穡爲上。次果木收畜。土地皆屬於王。荒土呈官。註籍。往墾。以三十年爲期。滿則歸官。出示招投。各書願出價目。封貯。定期開看。多者得。將價呈繳。始聽耕作。期未滿亦聽轉投。已滿亦許接投。

以是無地稅。屋有賦。以架爲額。高廣不計。窻櫺外向亦賦之。賦有四。一歸王。一設巡邏兵。分段瞭守。一養瞽目廢疾。治兵再賦。每男婦許各僱一人。司爨。役不有賦。僱他國人。賦倍之。工分藝木石塑畫。不許攙越。能出一奇物。得專利三十年。他人學作。有禁。有測度家。專看羅經。行海。商則自小。歷風濤。習操楫。泗水。居室以白石爲牆。壁木爲梁棟。高壘五六層。以避賊。次用磚。下用土。以白灰。望壁。使極光明。男短衣。色尚青白。冬泥。夏羽。居常以布。悉單無棉夾裘。大衣長。其後兩幅。愈貴愈長。甚至丈

餘者數人在後提挈以行。稱爲禮服。富者以金線緣帽。及領袖以自表。女則珠玉錦繡爲飾。極其華艷。男受女制。凡食早則飲茶。食乾饌。午小食。晡大餐。牛羊鷄鴨。咸燒炙。飢則麥麵。飽後始飲酒。食水果。不以箸。用刀叉匙。器用金銀玻璃爲上。尺曰碼。每碼約中國二尺。四五寸。各國不一。斤曰磅。約十二兩。零隨身帶筆簿。遇異聞異事。則記。然諾以拉手爲定。亦登於簿。無遺忘。無翻悔。遇軍事。治稅賦於亞勒馬尼國。選兵。卽耶瑪尼國所其人忠實。肯用命。備宿衛。置巡邏。悉募於此。各國皆然。不以

民也。若在東印度各國用兵。則在滿刺加招募。滿刺加

孟加兵餉極厚。每於禮拜下日。闕領一人。需洋錢十元。

八元不等。計一月。人需銀二十餘兩。蓋自有身賦。與其

會也。有官話通行一州之地。無奴婢。故無責打罵詈。亦

無笞杖之刑。有犯繚銬手足。閉置暗室。視輕重定期。滿

始釋。富者贖。重者竄荒地。役使開墾。死罪以繩吊頸。斃

之大逆不道。則有器如鼓狀。內藏鋒刃。納人置於通衢。

過者蹴使滾。此爲極刑。凡傳召以竹竿爲符節。至卽隨

以行。有深怨不解者。各請證人。至廣場架鳥鎗於肩。約

藥力所及。背立發火互擊。中不中皆息。凡病死醫者不
得其故。則剖其臟腑頭顱。考驗病之所在。著書示後。蓋
以既死。則無所惜。此歐羅巴各夷情之大略也。

其下篇曰。英吉利國。前明始大。自大西洋。葡萄亞通中
國。乞得澳門以居。置買茶葉大黃等物。歸售各國。各國
慕之。聞風踵至。乾隆年間。大開洋禁。以粵東爲市易所。
設洋商通事。西南各國。麇至。惟俄羅斯船不許開。船蓋
其國與我北方。蒙古毘連。向有樵場互易。若再開東南
市船。恐礙蒙古生計也。至是澳夷始不得獨擅其利。乃

以澳門夷屋賃與各國居止。澳夷向有番差一人。以約
束理詞訟。司達一人。治賦稅。英吉利既常來。遂於乾隆
四十幾年間。創立公司。公司者。國中富人。合本銀設公
局。立二十四頭人理事。於粵設總理人。俗謂大班。二班。
三班。四班。外有茶師。寫字。醫生。及各家子弟來學習者。
共數十人。每年七八月。夷船到時。始至十三行夷館。許
雇唐人買辦。食用。年終事畢。船歸。各夷仍往澳棲止。駕
船者有船主。統管一舟人。有大二三四夥長。測星日。看
羅經。量刻漏。對洋圖。以掌舵行舟。有寫字人。登記數目。

出入有醫生治疾病。有兵衛掌鎗炮。有水手管風帆。以及搭客等。初年每舟不下千餘人。牛羊犬馬皆備。至澳報同知衙門。派漁船引水入泊黃浦。洋商僱西瓜編船。駁貨出入。嗣海道日熟。遞次減少。今每舟不過三四百人。大西洋既不得專利。來船日少。佛蘭西幅員濶。人民衆。然富者始飲茶。貧者以炒豆代。故船久不來。荷蘭資本薄。無多船。他如單鷹。雙鷹。黃旗等國。間有至者。惟英吉利公司商船最盛。然所市皆非本國土產。皆采買他國。尤以萬達刺沙。暨東印度各國採買最衆。易茶絲等

貨以歸各國。及俄羅斯西境。皆就近至彼國轉販。每年三四月間。英國海舶雲集。其初不過數船。近年增至大船二十隻。益以小船。其茶葉收賦極重。約埒中國買價。又禁他人不得置。卽船主夥長等人置者。到日交公司酌領價值。由是富強日盛。有大二三四等頭人。以治政事。其會所居城。名蘭墩。跨海以造橋。上行車馬。下過舟航。富貴家皆有苑囿。春秋佳日。禮拜之期。聽男女游玩。夜則街巷遍懸油燈。行者無庸燭。其費出於仁會。亦有詼諧雜劇。夜始演。作晝有禁。恐妨工作也。人性强悍。好

上人荷蘭等國皆畏之推爲盟主以時聘問數年一會各酋長至其國以申盟約。讌遊累月方各登航以歸。惟米利堅夷不與相下。米利堅卽中國所稱花旗者。沃衍宜五穀。周亦數千里。人勤力作。常以餘糧濟各國。設十二酋長以理事。一酋死復公舉之。必衆服而後立。故其人最重行誼。無梗化。無催科。有軍事方治賦。英夷常起兵攻之。十餘年不能勝。又禁穀麥不糶。與英兵英兵益困。各國力爲和解。始罷兵。米夷常指英夷爲山狗。性如稍畏。讓彼必追來。一返身相向。反曳尾而去。故兵雖解。

終不往還也。其在東印度各國探買。亦設大班諸人。遇有可乘隙。卽用大炮兵船。占踞海口。設夷目爲監督。以收出入稅。先後得有孟刺甲。新地坡。新加坡等處。卽葛刺巴。本荷蘭在前。明所踞者。英夷亦曾奪之。近始仍歸荷蘭。其用兵餉費。出於公司。各港所徵稅。公司得收。三十年期滿。始歸其國王。凡用兵。只稟命而自備資糧。以故到處窺伺。所恃惟鎗炮。炮子用生鐵鑄。重者至三十斤。故所向無不披靡。至東印度。皆回民。仍各有酋長。英夷雖據其海口。亦未深入其內地。其回夷貿易中國者。

所駕船亦需英夷測度以行。故用英夷旗號名曰港脚。嘉慶十一二年間有大班喇佛者約孟刺甲兵頭以兵船十艘窺伺安南為安南所燼無顏返國以所餘三艘順抵粵洋喇佛又與內奸說合欲占澳門不果喇佛不能回覆兵頭遂潛匿不出不能開船此十三年秋冬間事也其兵頭竟趨澳占踞炮臺西夷僅保守大炮臺發稟告急時總督吳熊光巡撫孫玉庭調兵戒嚴飭澳門文武驅逐夷兵雖回船然不去也直待十四年春喇佛給與金銀帶歸以恤死難方回喇佛以此被革改用西

班益華成爲大班蓋議欲占澳時惟伊不肯署名嘉其有識也喇佛旋以憂死於澳益華成之後有大班吐丹陳者冀我大嶼山爲居止寄信回國求奇異物入貢自粵趨天津口天津鹽政以聞奉准入都朝見該夷使等不能行跪拜禮詔將貢物發還卽飭鹽政護送回粵此嘉慶二十二年秋事也時總督蔣攸銛亦將就從事不能如各國使臣儀其初設公司所來呢羽立股分售與洋商總商有三股四股者散商有兩股一股者所買茶卽以股分爲則其茶價照客價明加每石有銀十兩

八兩不等名曰餉磅。以此重啖洋商收茶時用以上下其手。洋商媚夷者茶多溢額。如近年東裕行兩股呢羽交茶逾怡和四股之數。此明驗也。洋商中賢愚不一。每互相傾軋。倘有泄外夷之短者。該夷公司必知遇事挑斥。故洋商遇地方官詢以夷事。皆謬為不知。而中國用行政及大吏一舉一動。彼夷翻無不周知。聞嘉慶年間夷船到口。該大班等恭請紅牌來省館。詰朝穿大服佩刀劍。到各洋行拜候。稍有名望之商必辭以事不見。俟其再來然後往答。迎送如禮。一惟洋商言是聽。邇

年來船益多。銷茶益盛。洋商仰其厚潤。於是夷船將到。洋商托言照應。過關卽出遠迎。又復常踞十三行之英夷。知漢字能漢語。常矜其出入口稅餉。每年幾及百萬。而澳夷貨來甚少。稅餉極微。翻得坐享澳門市易租賃之利。每欲效之。遇班中人新來。多方播弄。如道光七八年於夷館前立大馬頭。置圍牆柵欄。其地為對河居民來往渡口。稟控大憲。屢禁不遵。迨奉 廷寄。巡撫朱國禎親督拆毀。該夷又將來船碇泊零丁洋面。不入口開船。以入事入稟要挾。又糾各國夷隨聲附和。惟米利堅

海國圖志 卷三十四 南洋
夷不從回稱如我國有船至汝英國貿易必遵汝英國
制度今來中國圖覓利耳如無利即請汝亦不來何須
喋喋也維時各船主爭噪向例到即開艙起貨下貨不
過一二月即開帆回今久碇於外不但貨物霉蒸一船
數百人食用何出大班部樓頓庸懦無能聽二三四班
許供給各船食用自七八月相持至下年正月大班見
不能了潛附便舟而去適洋商以所定茶不交一年費
用無出再約齊至澳解說始於是月十四五日入口開
艙三月初間忽有火輪船自孟甲喇來乃該港坐班及

駐巡夷員專信申飭令其作速開艙毋悞一年貿易火
輪船者中立銅柱空其內燒煤上設機關火焰上即自
運動兩旁悉以車輪自轉以行每一晝夜可行千里自
該處至粵僅三十七日據夷人云道光初年始創造不
能裝貨以通緊急書信而已斯一奇也是年秋夷船到
二班邊司大班事益以肆竟帶夷婦寓十三行出入必
乘肩輿翻不許洋商乘轎入館種種故為干犯大憲怵
以言遂架大礮於夷館兩旁設兵守護居民憤愠即他
國夷亦謂天朝懷柔過甚其肩輿乃東裕行司事謝

海國圖志 卷三十四 南洋
治安所送。被官拏究。庾死於獄。嗣通事頭人蔡剛往諭。蔡剛有膽識。善語言。厲聲辯詰。始有畏意。撤去兵砲。夷婦仍不肯遽回。蓋洋商於奉諭飭查時。已具稟謂大班患病。需人乳為引。故帶以來。俟稍愈。即遣回澳。故該夷得延抗也。先是道光三四年間。公司以緬甸西南必姑港。土產甚盛。發兵船占踞。為緬酋所敗。兵船來粵取餉。碇零丁洋面。本新安縣屬。有兵上岸滋事。用烏鎗擊斃數人。大憲責令洋商。向大班索兇手。據稱此係過往兵船。未經入口。非我能約束。且帶兵人如中國官長。我乃

貿易民人。豈敢往諭回覆。適是時。又有米利堅船載佛蘭西夷商。在黃埔。以砂斗擊賣水果人。落水死。報驗船主將夷送出正法。而新安數命。迄無以償。後聞其兵船不回國。在外三年。始歸。該國仍革去職事。以其不能約兵丁也。近年該班等。又欲於澳門寓館前。立馬頭。豎棋杆。商之澳夷。澳夷初答以此中國地方。非我所主。繼思英夷在省。如此橫行。倘洋商迎合。為之營幹。朦准。是澳為彼有矣。次日向該班改說。此地乃中國界。我居住已數百年。汝等來貿易。暫賃以居。現有十餘國在此。如皆

各立馬頭。豎棋杆。是此澳為汝各國之地矣。該班妄念
遂止。澳旁高山。西夷建一望海樓。面零丁洋。用大千里
鏡遠觀。可見數日後所到船。並能認知何國旗號。山後
向有小路可上。原許一切人登眺。至是西夷不許該班
登眺。翻將山後小路鑿去。大路設卡。彼亦無如何。時有
英夷在葛刺巴犯事。潛逃來粵。原告蹤至。控於澳夷目。
將該夷拏禁。炮臺議罪。該班為之緩頰。不聽。及令他夷
往視。又為守者拒不得入。因相口角。一併拏禁。諸班啞
忍。不能致辭。以上聞之通事頭人蔡剛。定非虛妄。然十

四年間。英夷會占踞炮臺。西夷僅得大炮臺以守。幸大
吏親飭文武員弁驅逐。英夷始俯首而去。今此雖夷目
裁抑。未嘗非藉中國威靈也。又各夷嘗頌中國之盛。實
無比倫。他港貿易貨物。每有售有不售者。至於置貨。更
非經年累月不能集。惟粵港無論何貨。卽壓船之石。已
爛之鐵。及剪棄之碎呢片羽。一至卽售。所置貨。偃數百
萬。一二月卽齊立。可開航。此雖繞大地一周。無此港口
也。故英夷來船。皆有木榜。橫列數十。欸聞。係申戒之詞。
蓋不獨彼國土產來此銷售。而茶葉大黃。實彼生命攸

關况彼國賦餉所出時虞封港故告戒嚴極無如夷性
好強又貪三十年之專利而聽積久盤踞奸夷之慾魚
以至屢行悖妄苟非大憲鎮靜待之幾何不釀成事端
也近聞該公司之期久滿後日富商不得續入屢屢控
爭該國酋貪其重利日事因循邇以兵煩費重加之在
事頭目各懷已私虧折支絀再二三年亦必散歇公司
一散海疆可保永綏蓋黨羽衆多勢力始橫善治者必
先設法解散而後易於制馭公司之夷邇來橫甚散後
則各管各船各自牟利此爲易制然恐不知者翻以爲

憂因備記之俾見者知所去取焉

又曰澳門所謂新聞紙者初出於意大里亞國後各國
皆出遇事之新奇及有關係者皆許刻印散售各國無
禁苟當事留意探閱亦可覘各國之情形皆邊防所不
可忽也源案公司散則易制此語甚扼要領不料十
四年散後粵督反行文英吉利索其專派公司來粵總
司貿易其來人卽義律也誤聽洋商簧惑之謀遂啟邊
防無涯之禍惜哉探閱新聞紙亦馭夷要策

海防餘論

南海顏
斯綜

廣東有通洋之利恐有通洋之患諸

海國圖志 卷三十四 西洋 三
國熙熙皆爲利來而英夷尤專爲奇技淫巧以易取中
國之財彼國無稅畝之徵行什一之法首務商賈稅課
特重其人深謀遠慮好大誇功號令甚嚴從無寬貸用
兵機警國內人少多募他國雜番而督以本國武官愛
惜士卒知難卽退卽如商船船主御下甚嚴彷彿軍法
水手人等有過犯與頭目應議鞭多少立案生死不計
其俗謀奪人地非必出自國主之意所謂港脚者不止
碗迦挈三處地方散處海外皆有大小兵船時常巡徼
往來遊奕頭目多有攜眷三五富人羣居諮議欲占據

某國之某地告知國主許往湊合錢糧卽抽撥各處之
兵船令往攻取若戰勝得地其地利益國主與出資之
人均分自有章程前者夷兵到澳門登岸進至黃浦乃
夷商公司所爲其明徵也各夷常說天下富庶無如中
華諸國所來船多不覺其多所來少不覺其少無賣不
盡之貨又買不盡此地之貨爲海內第一是天下更無
大於中華英吉利久有壟斷之心常謂濠鏡澳西洋人
可居我輩不可居耶其覬覦久矣次則大嶼山貨物艱
於來往若老萬山則孤懸海外皆非其所屬意英吉利

嘗欲稱帝稱可汗諸國不服仍王號其本國船俗呼祖家以別於港脚白頭港脚番志在牟利雖為所轄不樂戰爭船上船主必是英吉利愚以為若有貧民陷夷宜開一面網許其自拔立功加之重賞足以疑惑其心彼之伎倆專務震動挾制桅上懸砲登岸放火占據各處地方多用此法然未敢嘗試於大國之邊疆恐停貿易則彼國之疋頭港脚之棉花何處銷售茶葉等貨何處購買彼之國計民生豈不大有關係彼若并阻諸國之來船肆彼劫奪則與之爭鬥者當不止一國彼能無慮

及此哉馭夷者必先得其情而後有以消其桀驁之氣折衝萬里之外芻蕘之語聊備采擇

三十四卷終

